

Hus må me ha.....



DEN KULTURELLE SKOLESEKKEN
ROGALAND



HUS MÅ ME HA

5.– 7. trinn

Skuleåret 14/15

Byggeskikk – ei formidling utarbeidd av Jærmuseét for Den kulturelle skulesekken i Rogaland



Hus må me ha.....

Læra ved å gjera

er mottoet for all undervisning på Jærmuséet. Me kan forklara omgrepet best med dette kinesiske ordtalet:

Eg høyrer og eg gløymer.

Eg ser og eg hugsar.

Eg gjer og eg forstår.



Me byggjer hus

Den kulturelle skulesekken kjem med ein modell av eit lafta hus, slik som på bileta. Elevane skal bygga huset frå grunnen av og samarbeida om å få alle bitane på rett plass. Det følgjer med teikningar som syner kor dei enkelte delane høyrer heime. Når huset er bygd, skal dei riva det ned att og leggja bitane i stablar slik at neste elevgruppe ikkje treng å sortera bygningsdelane. Ein formidlar frå DKS er med under heile prosessen.



Samarbeid er ein viktig del av byggeprosessen.

Alle delar må på rett plass.

Om det blir feil, må dei riva og byrja om att.

Me ser på og snakkar om hus

Medan ei elevgruppe byggjer hus, skal ei anna på tur i nærleiken av skulen og sjå på husa som er der. Dei skal studera husa saman med formidlaren og snakka om:

- Kva vert husa nytta til og kva er særmerka med dei einskilde husa i høve til bruken?
- Av kva slags materiale er dei bygd?
- Kor gamle er husa?
- Er det fint med berre nye hus, eller er det spanande at nokre er gamle og nokre nye?
- Kva er skilnaden på gamle og nye hus?
- Korleis kan ein sjå at eit hus er gamalt?
- Korleis blir hus borte?

Det er mange stader på Internett der ein kan henta informasjon om byggeskikk, restaurering og vern av hus, stilhistorie og kva som rører seg landet rundt på vernefronten. Her er nokre:

www.riksantikvaren.no Mange artiklar, publikasjonar og oversyn.

www.sprossa.no Ei spesiell og inspirerende heimeside om det meste.

www.fortidsminneforeningen.no Nyheter om bygningsvern landet rundt.

www.statsbygg.no/kulturminnevern Oversyn over staten sine verna bygg.

www.miljostatus.no/tema/kulturminner Korleis står det til med kulturminna våre.

www.kulturarv.no/rydd-et-kulturminne/ Rydd et kulturminne. For barn og ungdom.

www.banr.no Karmsund folkemuseum om arkitektur, stilhistorie osv.

For- og etterarbeid:

Me vil gjerne at elevane finn sitt favorittus i kommunen. Helst eit som ikkje er deira eige bustadhus, men eit bygg som dei tykkjer er fint. Det er flott om dei kan finna eit bilete av dette huset, slik at ein kan visa det til dei andre i klassen. Desse bileta kan nyttast dersom det av ein eller annan grunn skulle vera vanskeleg å gå ut på tur i nærmiljøet. Då er det desse bileta som vert utgangspunkt for samtale innandørs rundt lokal byggeskikk.

Dersom ein ikkje har fått sett på bileta i løpet av formidlinga, er dei er eit fint utgangspunkt for etterarbeid rundt temaet. Lærar kan ta fatt i kulepunkta over for å få ein dialog med elevane om byggeskikk.



DEN KULTURELLE SKOLESEKKEN
ROGALAND

er ei nasjonal satsing der kultur- og opplæringssektoren samarbeider om å nå dei måla som er nedfelt i Stortingsmelding nr. 8 (2007 – 2008) *Kulturell skulesekk for framtida*. Måla for DKS er:

- å medverka til at elevar i skulen får eit profesjonelt kunst- og kulturtilbod
- å leggja til rette for at elevar i skulen lettare skal få tilgang til, gjera seg kjende med og utvikla forståing for kunst- og kulturuttrykk av alle slag
- å medverka til ei heilskapleg innlemming av kunstnarlege og kulturelle uttrykk i realiseringa av skulen sine læringsmål.

Rogaland fylkeskommune har ansvaret for ordninga i Rogaland og skal sikra at ho kjem alle elevar til gode og at produksjonane har høg kvalitet.

Opplæringssektoren har ansvaret for å leggja føre- og etterarbeid pedagogisk til rette for elevane, medan kultursektoren har ansvaret for kulturinnhaldet i DKS og for å informera om dette i god tid.

Den kulturelle skulesekken er finansiert av spelemidlar, og for skuleåret 2012/2013 har Rogaland fått i alt 12,8 millionar kroner til tiltak i grunn- og vidaregåande skular.

Kvart barn i grunnskulen får minimum ein DKS-produksjon og to rikskonserter per år.

Dei vidaregåande skulane kan sjølv velja frå eit utval av produksjonar.

Meir informasjon og turnéplanar finst på

www.skolesekken-rogaland.no